

# ALKOHOLPOLITISKE RETNINGSLINJER Hå kommune 2020 - 2024



Vedteke av kommunestyret i Hå 11. juni 2020



## Målet med retningslinjene

Hå kommune skal stå for ein alkoholpolitikk som tek både helse-, sosial-, kultur- og næringspolitiske omsyn, i tråd med formålet i alkohollova.

Dei alkoholpolitiske retningslinjene for sals- og skjenkepolitikken skal medverka til mest mogleg føreseielege og lik behandling av søknader og reaksjonar etter kontroll med sals- og skjenkestadene.

## Løyveperiodar

Kommunale løyve til sal- eller skjenking av alkohol kan tildelast for 4 år om gongen og er gyldige til 30.09 året etter at det er sett nytt kommunestyre. Eksisterande sals- og skjenkeløyve skal gjelda vidare utan ny søknad fram til 30. september 2024, jamfør alkohollova § 1-6 tredje ledd.

Før løyva blir forlenga vil kommunen innhenta uttale frå politiet. Dersom politiet har merknader som kan tyda på at ein sals- eller skjenkestad ikkje lenger oppfyller krava til vandel i alkohollova § 1-7 b og § 1-7 a første ledd, vil dette løyvet ikkje bli forlenga. Den aktuelle sals- eller skjenkestaden må søkja på nytt innan den fristen som blir sett av kommunen.

Den som får løyve til sal eller skjenking av alkohol, må opplysa kommunen dersom det skjer vesentlege endringar i verksemda.

Dersom det kjem nye søknader midt i perioden, kan utval for helse- og sosiale saker gi nye løyve for sal og skjenking.

## Skjenketider

§ 4-4 i Alkohollova gir føringar for skjenketider. Kommunestyret kan likevel innskrenka eller utvida tida for skjenking.

Skjenketidene i Hå kommune er:

- Alkohol gruppe 1 og 2, lågare enn 22 volumprosent kl. 08.00 – 1.30
- Alkohol gruppe 3, brennevin kl. 13.00 – 01.30

Godkjend uteservering skal avsluttast på same tid som servering inne.

Politiet har gitt pålegg om at utandørs livemusikk (som for eksempel i telt) i sentrumsnære område, skal avsluttast klokka 24.00.

## Salstider

Alkohollova § 3-4a gir føringar for salstider. Kommunestyret kan likevel innskrenka eller utvida tida for sal.

Salstidene i Hå kommune er:

- Måndag-fredag kl 8-20
- Dag før søndag og heilagdag kl 8-18

(Unntak er onsdag før Kristi himmelfartsdag. Den gjeld som vanleg kvardag)

Det er tidspunktet for betaling i kassen som er avgjerande.

Sal av øl skal ikkje skje:

- sundagar og heilagdag
- 1. mai
- 17. mai

## Skjenkekontroll

Skjenkekontrollen IKS utfører kontrollar etter Alkoholova for Hå kommune.

## Prikktildeling

Reglane om prikktildeing og inndraging er nasjonale føringar nedfelt i alkoholova § 1-8 og forskrift om omsetning av alkoholhaldig drikk mv. jamfør §§ 10-2 til 10-6. Desse gjeld der det er gjennomført kontroll i samsvar med kapittel 9 i forskrifta, eller det er motteke rapport frå andre mynde og avdekt at løyvehavar ikkje har oppfylt reglane i alkoholova, reglar i medhald av alkoholova, alkoholova sitt føremål, eller vilkår for løyvet.

Dersom løyvehavar vert tildelt til saman 12 prikkar i løpet av ein periode på to år, skal løyvet dragast inn i eit tidsrom på ei veke. Dersom det i løpet av toårsperioden vert tildelt fleire enn 12 prikkar, skal lengda på inndraginga aukast tilsvarande jamfør alkoholforskrifta § 10-2. Toårsperioden gjeld uavhengig av om løyvet er fornya i løpet av perioden. Ved overdraging begynner ny periode på overdragingstidspunktet. Likearta brot avdekt ved same kontroll skal vurderast som eitt einskilt brot. Tidspunktet for regelbrotet skal leggst til grunn for utrekning av toårsperioden.

## Kunnskapsprøve

Kommunen er etter forskrift ansvarleg for å organisera kunnskapsprøve for styrarar og vara i verksemd som søker om kommunal sals- eller skjenkeløyve. Det er og krav om at ansvarleg skjenkestyrar ved enkeltarrangement med over 150 gjester, har avlagt kunnskapsprøve.

Det er skjenkekontrollen IKS som organiserer kunnskapsprøven. Nødvendig informasjon er å finna på [www.ha.no](http://www.ha.no).

## Gebyr

Gebynet for løyve til skjenking ved enkeltarrangement og ambulerande løyve vert bestemt årleg av kommunestyret, og er i samsvar med reglane i alkoholforskrifta § 6-2 andre ledd. Desse skal vera oppdaterte på [www.ha.no](http://www.ha.no).

I tillegg skal skjenke- og salsstadene betala eit årleg gebyr knytta til kor mykje alkohol dei har omsett i løpet av året. Detaljar om denne berekninga er gitt i forskrift. Dei som får sals- og skjenkeløyve pliktar å gi kommunen ein årleg oversikt over omsetning og reviderte rekneskapstal.

## Vakthald

Det er forskjell på vakt og vert. Vakt er godkjente, ofte profesjonelle. Vert er såkalla dugnadsvakter. Når politiet stiller krav om politigodkjent dørvakt, er dette også eit vilkår for skjenkeløyvet.

## Klage

Dei som søker løyve kan senda skriftleg klage dersom dei ikkje er einige i kommunen sitt vedtak. Dersom kommunen står ved vedtaket, blir klagen sendt vidare til Fylkesmannen.

## Løyve

Kommunen har fem ulike sals- og skjenkeløyve. Tabellane under gir detaljar om løyvene, avgrensingar, krav til søknaden og saksbehandlinga.

Løyve til sal av alkohol	
Kven kan få løyve?	<p>Daglegvareforretningar med eit bredt utval av varer og spesialutsal for øl og mineralvatn kan få løyve til å selga alkohol som inneheld under 4,7 volumprosent.</p> <p>Salsløyve for brennevin, vin og øl med alkoholinnhald over 4,75 volumprosent, kan bli gitt til Vinmonopolet. Departementet har fastsett at Hå kommune har høve til å gi AS Vinmonopolet løyve til ein utsalsstad i kommunen. Departementet fastset opningstidene for Vinmonopolet sine utsalsstader.</p>
Avgrensingar	Det vert ikkje gitt salsløyve for sal av øl på internett (nettsal), eller for levering heim til kjøpar.
Krav til søknad Saksbehandling	<p>Kommunen kan pålegga søkar å dokumentera opplysningar som er nødvendige for å kunna ta stilling til om søkar oppfyller krava i §§1-7b og 1-7c.</p> <p>Eksempel på dokumentasjon:</p> <ul style="list-style-type: none"> <li>• Finansieringsplan</li> <li>• Driftsbudsjett</li> <li>• Vandelsattest</li> <li>• Namngitt styrar og vara over 20 år</li> <li>• Kopi av bestått kunnskapsprøve for både styrar og stedfortredar</li> </ul> <p>Tida for behandling av søknad er avhengig av datoar for politiske møte då løyvet vert gitt av utval for helse- og sosialsaker.</p> <p>Saksbehandlingstida er fire månader (§1-11).</p>

Løyve til å skjenka alkohol gruppe 1, 2 og 3	
Kven kan få løyve?	<p>Serveringsstader med kjøkken som er godkjent for vanleg servering.</p> <p>Serveringsstader som har:</p> <ul style="list-style-type: none"> <li>• serveringsløyve</li> <li>• fast meny og/eller a la carte</li> <li>• serverer varm mat frå kjøkken som held ope inntil minimum 2 timar før verksemda stenger</li> <li>• dersom det er godkjend uteservering, er denne klart avgrensa</li> <li>• pub</li> </ul> <p>Løyvet kan utvidast til å gjelda brennevin dersom skjenkestaden er ein integrert del av overnattingsstad med vanleg norsk hotellstandard.</p>
Avgrensingar	<p>Skjenkeløyve er avgrensa slik at det ikkje vert gitt løyve til skjenkestader som er lagt til:</p> <ul style="list-style-type: none"> <li>• Oppvekst/bustadområde</li> <li>• Idrettshall/helsestudio</li> <li>• Aktivitet/fritidssenter</li> <li>• Gatekjøkken/storkiosk</li> <li>• Stader med ungdom som målgruppe</li> </ul> <p>Serveringsstadar i kjøpesenter vert som hovudregel ikkje tildelt vanleg skjenkeløyve innan opningstidene til senteret.</p>
Krav til søknad Saksbehandling	<p>Fortløpande søknadsfrist. Søkar fyller ut skjema som ligg på kommunen sine nettsider, og legg ved dokumentasjon.</p> <p>Kommunen kan pålegga søkeren å dokumentera dei opplysningane som er naudsynte for å kunna ta stilling til om krava i Alkohollova §§ 1 – 7 b og 1 – 7 c er fylgde.</p> <p>Eksempel på dokumentasjon:</p> <ul style="list-style-type: none"> <li>• Finansieringsplan</li> <li>• Driftsbudsjett og likviditetsbudsjett</li> <li>• Vandelsattest</li> <li>• Namngitt styrar og vara over 20 år</li> <li>• Kopi av bestått kunnskapsprøve for både styrar og stedfortredar</li> <li>• Kopi av etablererprøve for dagleg leiar</li> </ul> <p>Det vert innhenta uttale frå politi, brannsjef og kommuneoverlege.</p>

	<p>Løyve vert gitt etter konkret vurdering. Krav om dokumentasjon kan difor vera ulikt frå søknad til søknad. Kommunen kan nytta skjønn i behandling av søknad om løyve, jf. Alkoholloven § 1-7a.</p> <p>Tida for behandling av søknad er avhengig av datoar for politiske møte, då løyvet vert gitt av utval for helse- og sosialsaker.</p> <p>Saksbehandlingstida er etter § 1 – 11 i lova, fire månader.</p>
--	---

### Fast løyve til å skjenka alkohol i slutta lag - gruppe 1, 2 og 3

Kven kan få løyve?	Slutta lag med godkjende lokale
Avgrensingar	<p>Løyve vert ikkje gitt til arrangement lagt til:</p> <ul style="list-style-type: none"> <li>• oppvekst/bustadområde</li> <li>• idrettshallar/helsestudio</li> <li>• aktivitet/fritidssenter</li> <li>• gatekjøkken/storkioskar</li> <li>• stader med ungdom som målgruppe</li> <li>• lokale som ikkje er godkjende av aktuelle myndigheiter</li> </ul> <p>Serveringsstader i kjøpesenter vert som hovudregel ikkje tildelt vanleg skjenkeløyve innan opningstida til senteret.</p> <p>Løyve vert ikkje gitt til klubbar politiet definerer som kriminelle.</p>
Krav til søknad Saksbehandling	<p>Fortløpande søknadsfrist. Søkar fyller ut skjema som ligg på kommunen sine internettsider og legg ved dokumentasjon.</p> <p>Kommunen kan pålegga søkeren å dokumentera dei opplysningane som er naudsynte for å kunna ta stilling til om søkar oppfyllerkrava i Alkohollova §§ 1 – 7 b og 1 – 7 c.</p> <p>Krav om dokumentasjon i søknad:</p> <ul style="list-style-type: none"> <li>• Finansieringsplan</li> <li>• Driftsbudsjett og likviditetsbudsjett</li> <li>• Vandelsattest</li> <li>• Namngitt styrar og vara over 20 år</li> <li>• Kopi av bestått kunnskapsprøve for både styrar og vara</li> </ul> <p>Det vert innhenta uttale frå politi, brannsjef og kommuneoverlege.</p> <p>Løyve vert gitt etter konkret vurdering, krav om dokumentasjon kan difor vera ulikt frå søknad til søknad.</p> <p>Saksbehandlingstida er etter § 1-11 i lova, fire månader.</p>

Løyve til å skjenka alkohol i enkeltarrangement - gruppe 1 og 2	
Kven kan få løyve?	Arrangørar av enkeltarrangement.
Avgrensingar	<p>Løyve vert ikkje gitt til:</p> <ul style="list-style-type: none"> <li>• familiearrangement eller arrangement for barn/unge</li> <li>• arrangement i oppvekst/bustadområde</li> <li>• idrettsarrangement/helsestudio i den tida det er ope for publikum</li> <li>• aktivitets-/fritidssenter i den tida det er ope for publikum</li> <li>• gatekjøkken/storkioskar</li> <li>• lokale som ikkje er godkjende av aktuelle myndigheter</li> </ul> <ul style="list-style-type: none"> <li>• arrangement for mindreårige (under 18 år) (unntak <i>kan</i> innvilgast når visse krav som til dømes strengt vakthald og klart avgrensa skjenkeområde, er oppfylt)</li> </ul>
Krav til søknad Saksbehandling	<p>Arrangementet må vera godkjend av politi, brannsjef og kommuneoverlege. Arrangement må dessutan meldast i eige skjema direkte til politiet.</p> <p>Søknadsfrist er tre veker før dato for arrangementet.</p> <p>Søkar fyller ut elektronisk skjema som ligg på kommunen sine nettsider.</p> <p>Det vert sendt ut skriftleg avslag eller godkjenningbrev med eventuelle merknader og vilkår. Ved større arrangement kan det koma krav om politigodkjente vakter, og møte med administrasjon og skjenkekontroll i forkant.</p> <p>Ved arrangement over 150 gjester, er det krav om at skjenkestyrrar har bestått kunnskapsprøven.</p> <p>Løyve vert gitt etter konkret vurdering, krav om dokumentasjon kan difor vera ulikt frå søknad til søknad.</p> <p>Unntak: Det vert ikkje gitt løyve til å skjenka alkohol gruppe 3 (brennevin) ved enkeltarrangement. Men det kan gjerast unntak ved arrangement med tydeleg fagleg innhald, slik som til dømes ei whiskymesse.</p>

4 ambulerande løyve – alkohol i gruppe 1, 2 og 3	
Kven kan få løyve?	Einskild anledning for lukka selskap.
Kva er eit lukka selskap?	<ul style="list-style-type: none"> <li>• I utgangspunktet for eksempel bryllaup, fødselsdagar, firmafestar og andre arrangement med eit bestemt formål, der gjestene er personleg invitert. Arrangement som er haldne av lag og foreiningar, er ikkje å rekna som lukka selskap.</li> <li>• Det hadde vore naturleg om arrangementet hadde vore halde heime i stova, men på grunn av plassmangel leiger du eit lokale.</li> <li>• Alle gjestene har ei tilknytning til den eller dei som inviterer til selskapet.</li> <li>• Arrangementet kan ikkje vera annonsert i media, på plakatar eller via sosiale media.</li> </ul> <p>Du må søka om skjenkeløyve til arrangementet ditt dersom:</p> <ul style="list-style-type: none"> <li>• Du tek betalt for alkohol på arrangementet (direkte eller indirekte).</li> <li>• Utleigar står for ein større del av arrangementet enn å leiga ut lokala, for eksempel utvask eller matsservering.</li> <li>• Arrangementslokalet har løyve for matsservering.</li> </ul>
Avgrensingar	<p>Ambulerande skjenkeløyve vert ikkje gitt til:</p> <ul style="list-style-type: none"> <li>• «venners-venners-fest»</li> <li>• arrangement som inkluderer «venner» til laget sine medlemmar</li> <li>• arrangement der personar som ikkje er knyt til arrangør kan melda seg på etter kunngjering</li> <li>• arrangement som vert annonsert</li> <li>• ungdomsarrangement der aldersgruppa er under 20 år</li> </ul>
Krav til søknad	Søknadsfristen er tre veker før arrangementsdato.
Saksbehandling	Søkar fyller ut elektronisk skjema som ligg på kommunen sine nettsider.